

Lorenz Johann Friedrich Dihn Johannes Christian Clemann

Natalem Diem Auspicatissimum Et Felicissimum Serenissimi Principis Ac Domini Domini Friderici, Ducis Regnantis Mecklenburgici ... Sacrum Votis Ac Precibus Deo Nuncupandis in Cathedrali Schola Sverinensi Devote Cupiunt, Et Ut Die IX Novembris Anni M. DCCLVI ... Duabus Ne Interesse Graventur Orationibus, Uni Habendae Hora IX. Mat. Alteri Hora Pomer. II.

[Schwerin]: Typis Baerensprungianis, [1756]

<https://purl.uni-rostock.de/rosdok/ppn1837086028>

Druck Freier  Zugang



Gymnasium Fredericianum.
zu Schwerin.

Programm. 1756.

Mkl h

1800 40
1756

zfb ME

05. Aug. 1999

● entsäuert

Mbl. h.

1800

(1756) - 4°

NATALEM DIEM
AUSPICATISSIMUM ET FELICISSIMUM
SERENISSIMI PRINCIPIS AC DOMINI
DOMINI
FRIDERICI,
DUCIS REGNANTIS MECKLENBURGICI,
PRINCIPIS VETUSTAE GENTIS HENETAE, SVERINI
AC RACEBURGI, COMITIS ITEM SVERINENSIS, TERRARUM
ROSTOCHII ET STARGARDIAE DYNASTAE,
DOMINI NOSTRI LONGE INDULGENTISSIMI, CLEMENTISSIMI,

SACRUM VOTIS

AC PRECIBUS DEO NUNCUPANDIS

IN

CATHEDRALI SCHOLA SVERINENSI

DEVOTE CUPUNT,

ET UT DIE IX NOVEMBRIS ANNI M. DCCLVI,

SUMMUS SENATUS,

GENEROSISSIMI, EXCELLENTISSIMI, EXCELLENTESSIMI,
PER-ILLUSTRES, ILLUSTRES, DOMINI CONSILIARII
ET AULAE MINISTRI, ATQUE DOMINI DOCTORES

ET SACRI ORDINIS, SUO QUISQUE ORDINE SUSPICIENDI,
VENERANDI, SIMUL ET OMNES DOCTI LITERARUM FAUTORES
OMNI HONORIS CULTU PROSEQUENDI,

DUABUS NE INTERESSE

GRAVENTUR ORATIONIBUS,

UNI HABENDAE HORA IX. MAT. ALTERI HORA POMER. II.


LYC. CATH. RECTOR. M. LAUR. IOH. FR. DIHN, ET

CON-RECTOR. IOH. CHRISTIAN. CLEMANN.

SUBMISSE ET OFFICIOSISSIME ROGANT.

TYPIS BAERENSPRUNGIANIS.





Gen. XLIX. 10. A Iuda Sceptrum non recedet :

(A Serenissima Domo Mecklenburgica Sceptrum non recedat! nec recedet:)

Donec veniat Sospitator:

(Donec veniat homine natus cum sua gloria Matth. XXV. 31. et descendat de coelo 1. Tess. IV. 16. in nubibus. v. 17.)



Quot verbis proponitur Dictum illud Classicum et Vaticinium Jacobi Patriarchae in ipso limine beatissimae mortis constituti Gen. 49. v. 10.; tot ponderibus verborum luculenter exprimitur. Idem vero ille locus tot dubiis vel post Reformationem beatam beati nostri Lutheri fuit expositus; quot vel recensendis vel enumerandis nos quidem impares sumus. Seculo, quo vivimus hoc, receptissimae interpretationi secundum genuinam vocum et Phrasium acceptionem vindicavit in Dissertatione Philologica de Sceptro Legislatoris iuda e posteris ejus M. Nicolaus Köppen Facultatis Philosophicae quondam adjunctus et S. S. Theologiae Baccal. Anno M. DCC. V. Gryphiswaldiae. Cui, ut reliquos taceam, quos paginae non capit angustia, adjungimus optimo jure aut praeferimus Lumen inter nostrates Theologos Lutheranos D. Salomonis Deylingi. Hic Vir supra nostras positus laudes, in sobria et sancta Hermeneia Scripturae Sacrae, in Observationibus Sacris P. II. & dextre hunc locum & mascule idque eruditissime

ac

ac doctissime enodavit pag. imprimis 108, sqq. “Nos, inquit, dictum illud non tam a Judaeorum, quam recentiorum quorundam censuris vindicabimus, rejectisque perincommodis aliorum interpretamentis, nostram sententiam, suis probationibus et argumentis instructam exponemus, quam Ecclesiae Evangelicae iudicio submittemus, non illubenter eam emendaturi, si rectiora edoceamur.,, Haecenus ille Phoenix interpretum nostra memoria multo doctissimus celeberrimusque.

Intelligit autem is noster olim in Academia Lipsiensi Doctor, Superintendens et Praeceptor, per *Sceptrum*, non sceptrum regium, sive tantam *ἀνοκρασίαν* et imperandi *ἐξουσίαν*, quam Galli adpellant la Souverainité; neque *Solium Regium*; quae quippe vulgaris hujus vocis interpretatio Iudaeos non tam emendet; quam confermet in impietate sua Pharaeica et Iudaica; Sed *Sceptrum* simul et *Legislatorem*, quorum neutrum ante Messiae adventum sit auferendum; Quod quidem probat ex particula *Vau*; ita, ut et *Sceptrum et Legislatorem* tum, cum Messias nascebatur, superfuisse, demonstrat. Duplicem igitur promissionem Jacobi vaticinio inesse docet; eam primo, qua et *legislator et sceptrum* penes Iudam sit permanfurum ad Messiae usque adventum; deinde alteram, qua utrumque et *Sceptrum et Legislator*, cum veniret Messias, in Iuda et apud Iudam adhuc fuerit. Tandem per *Schebhet* generatim potestatem administratoriam et per *Mechokek* legislativam intelligit potestatem. Tribum Iudae autem secundum varium suum statum & conditionem spectari oportere monet Deylingius; ita, ut verba *Mibbeck Reglav*, de pedibus ejus, quasi morem vigilandi leonum innuat et adludat ad Num. XXIII. 24. c. XXIV. 9. Es. V. 29. et ad praedam, quam accubando inter pedes suos ita servet leo, ut nemo eam ipsi facile eripiat. “Tali, inquit, cum leone comparatur tribus Iudae, cui dominium, *ἀνονομία*, et potestas *ὑπερέχουσα* prius haud sit eripienda, quam advenerit *Schilo*. Haec autem vox, quae semel tantum in codice sacro V. T. legitur, et optime a *Schalab* (licet Joh. Simonis Hist. S. et Antiquitat. Prof. in Lexico Manuali Hebraico et Chaldaico secus sentiat; quippe qui a *Schul*, trahere, extrahere, vel a *Schil* foetu vel prole ex utero extracta derivari mavult) tranquillum esse, felicem esse, beatum esse, derivatur conf. Pl. 122. v. 7. quippe cum in Christum Jesum, Nostrum Salvatorem, Servatorem, Statorem et Sospitatorem optime quadret, propterea, quod sub eo omnia florere debebant Zach. VI. 12: Et *Ille ipse Hic* Noster et solus et unicus Verae pacis coelestis Instaurator est; quemadmodum *Jesus* sive *Σωτήρ* idem significat, quod nomen illud Hebraicum *Schilo*; sive *Schiloh*. Angelus igitur divinitus ad Mariam missus, *σώσει*, inquit, *τον λαόν ἀπὸ τῶν ἀμαρτιῶν αὐτῶν* Matth. I. 21. Hic subsistimus, nostri nos memores instituti, cui devotissima nos et subjectissima mente accingentes, tantum monemus, fieri posse, ut Iudaei, si non omnes, tamen maxima eorum pars ad saniores tandem aliquando redeant mentem et fidem in Unicum Servatorem, Sospitatorem atque ut Restauratorem omnis salutis Humanae, Iesum Christum Nostrum demum amplectantur. Quod quomodo fieri et optet et possit (Utinam fiat! quod nos quoque de optamus!) non ita pridem Professor et Philosophiae Mag. Dav. Frid. Me-gerlin

gerlin in libellis quibusdam editis, iisque egregiis et aere atque auro perennioribus, conf. die gelehrte Nachrichten von Rostock d. XI. & XVIII. Aug. h. a. docuit. Venimus vero nunc ad propositum et accingimur aliis quidem Votis ac precibus; sed iis, quae non sunt a re et nostra subjectissima *Devotione* alienae. Preces enim sunt fundendae et Vota sunt facienda, pro Incolumitate, Prosperitate et *Sceptro* felicissimo eoque ad seros usque (o! si perennet) annos, perennante **Serenissimi Nostri Ducis ac Domini, Domini FRIDERICI, Ducis Regnantis Meklenburgici, Principis Vetustae Gentis Henetae, Sverini ac Ratzeburgi, Comitis item Sverinensis, Terrarum Rostochii et Stargardiae Dynastae, Domini Nostri Indulgentissimi Clementissimi.** Illucescet enim (O! urinam iterum iterumque et saepissime inlucescat) Auspiciatissimus ille dies, quo Serenissimus Noster ac Indulgentissimus Regnans Dux atque Princeps aura primum et vita frui coepit. Quod igitur Deus Ter Optimus Terque Maximus, felix faustumque esse jubeat, dicemus die IX. Novembr. in Cathedrali Schola Sverinensi, hora matutina IX. de *Sceptris Meklenburgicis*, ita, ut ego quidem *Seculorum* memoriam *revolutorum*, quibus post hominum memoriam *Sceptra* refulsere *Meklenburgica*, Oratione apud omnes eruditos non inusitata, repetam atque exponam; Collega autem honoratissimus meus de Fatis religionis in terris nostris Megalopolitanis dicat. Hoc fiet, volente Deo, Die, quem diximus, et horis, quas indicavimus ea, quae decet et quae fas est, animi devotione et observantia atque obsequio.

P. P. Sverini 2. Novemb. Anni M. DCC. LVI.



LBMV Schwerin 33
000 691 143



